

**ՄԻ ԽՈՒՄԲ ՊԱՏԳԱՄԱՎՈՐՆԵՐ ԿԻՍՈՒՄ ԵՆ ՓԱՍՏԱԲԱՆՆԵՐԻ ՄՏԱՀՈԳՈՒԹՅՈՒՆԸ.  
ՄԱՐՈՒՔՅԱՆԸ ՀՈՒՅՍ ՈՒՆԻ՝ ՆԱԽԱԳԻԾԸ ԱԺ ՉԻ ՀԱՍՆԻ**

11.10.2013 11:57



Կառավարությունը նոր նախաձեռնությամբ է հանդես եկել, որի թիրախում այս անգամ հայտնվել են փաստաբանները: Բանն այն է, որ փաստաբանության և պետական տուրքի մասին օրենքներում փոփոխություններ ու լրացումներ են կատարվել, որոնց համաձայն սահմանվել է փաստաբանների պետական գրանցամատյանը վարելու նոր ընթացակարգ և այդ լիազորությունը վերապահվել է ՀՀ արդարադատության նախարարությանը և բացի այդ, գրանցամատյանում մեկ տարի ժակետով հաշվառելու համար նախատեսվել է գանձել տարեկան պետական տուրք՝ 60.000 դրամ: Նախօրեին Փաստաբանների պալատի շուրջ 100 փաստաբաններ քննարկում էին կազմակերպել վիճահարույց նախագծերի վերաբերյալ, որտեղ բոլորը միանշանակ դեմ էին արտահայտվում և ասում էին, որ այդ նախաձեռնությունը վտանգում է իրենց անկախությանը: Նախագիծը դեռ քննարկման փուլում է և Ազգային ժողով կհասնի քննարկումներից ու կառավարության կողմից վերջնականապես հաստատվելուց հետո:

Աժ պատգամավոր, նախկին փաստաբան Էդմոն Մարուքյանը ևս կիսում է իր գործընկերների մտահոգությունը և խոստանում է այնպես անել, որ խորհրդարանում այն դիմադրության արժանանա:

-Դուք, որպես նախկին փաստաբան ի՞նչ կարծիքի եք այդ նախաձեռնության մասին, վտանգներ տեսնո՞ւմ եք:

-Գիտեք, իմ կարծիքը, որևէ կերպ չի տարբերվում իմ փաստաբան գործընկերների և Փաստաբանների պալատի պաշտոնական կարծիքից: Նախագիծն այնպիսին է, որ ամենաթույլ քննադատությանն անգամ չի դիմանում: Երեկ տեղի ունեցած ասուլիսի ժամանակ մանրամասն ներկայացվել են բոլոր փաստարկները և իմ գնահատականը նախաձեռնության վերաբերյալ միանշանակ է այն զուրկ է տրամաբանությունից և որևէ կերպ հիմնավորված չէ:

-Արդարադատության նախարարը փաստաբանների բողոքը պայմանավորել էր լրացուցիչ գումարների գանձմամբ և ասել էր, որ դա հարկ է ու պետք է դրանով բյուջե լցվի: Արդյոք դա հիմնավորո՞ւմ եք համարում:

-Տեսեք ներկայացված նախագծերով փորձ է արվում

իրավապաշտպան գործունեությամբ զբաղվողներից պետական տուրք գանձել, որը ոչ միայն անընդունելի է, այլ նաև սա արվում է այն դեպքում երբ փաստաբանները մեր երկրում չունեն հարկային որևէ արտոնություն և վճարում են բոլոր այն հարկատեսակները, որը վճարում է ցանկացած ձեռնարկատեր: Ավելին, ինձ հայտնի չէ որևէ մի զարգացած երկրի փորձ, որ նման արհեստական և անտրամաբանական ձևով փորձ արվի փաստաբաններից գումարներ գանձել: Բյուջեն լցնելու տեղեր շատ կան, բայց դրանք փաստաբանական գործունեությունից շատ հեռու են, եթե հետևում եք խորհրդարանի նիստերին, ապա բազմիցս նկատած կլինեք պատգամավորների առաջարկները և քննադատությունն ուղղված բյուջեն լցնելու տեղերը բաց թողնելուն, թող սկսեն այդ տեղերից, որոնք կրկնում են որևէ կապ չունեն փաստաբանական գործունեության հետ: Նախագծի հիմնավորումների բաժինը արդեն նշեցի, որ փաստարկված չէ և ես չեմ հիշում այսքան թույլ հիմնավորումներով կազմված նախագիծ, որ ներկայացված կլինեք արդարադատության նախարարության կողմից: Ինչու եմ սա ասում, որովհետև շատ լավ ճանաչում եմ թե ինչ բարձր կարգի մասնագետներ են աշխատում նախարարությունում և ուղղակի տարակուսանք է առաջացնում նման նախագծի ներկայացումը, որը արդարադատության նախարարության բարձր նշաձողը մի քանի անգամ իջեցնում է:

-Իրականում ի՞նչ է փորձում անել կառավարությունը և ինչպե՞ս եք փորձելու դիմադրել այդ նախաձեռնությանը:

-Թե ինչ է փորձում անել կառավարությունը դա շատ պարզ է, որն արդեն նախարարը բացատրել է՝ ինչ որ մեկից ուզել լրացուցիչ գումար: Ուղղակի այս դեպքում այդ ինչ որ մեկի դերում փաստաբաններն են: Ինչ վերաբերում է նախաձեռնությանը դիմադրելուն, ապա ես հույս ունեմ, որ նախագիծը չի հասնելու Ազգային ժողով: Վատագույն սցենարով ասեմ արդեն դիմադրությունը Պալատի կողմից միանշանակ առկա է, որին ես միացել եմ և իմ տեղում պատրաստ եմ իմ պատգամավոր գործընկերներին անկախ կուսակցական պատկանելությունից առանձին-առանձին հանդիպել ու ներկայացնել այն բոլոր վտանգները, որոնք այս նախագծում առկա են: Պետք է նշեմ, որ անգամ գործուղման մեջ լինելով արդեն խոսել եմ մի խումբ պատգամավորների հետ և նրանք կիսում են մեր մտահոգություններն ու պատրաստ են նախագծին դեմ արտահայտվելուն: Վստահ եմ, որ գործընկերներին հետ միասին մեզ կհաջողվի հասնել

նրան, որ նախագծերը դրական եզրակացություն չստանան:

-Փաստաբաններն արդեն հայտարարել են, որ դիմելու են ծայրահեղ քայլի՝ կհայտարարեն գործադուլ:  
Արդյո՞ք դա էլք եք համարում:

-Հույս ունեմ, որ ծայրահեղ քայլերին չի հասնի, իսկ անհրաժեշտության դեպքում բողոքի օրենքով չարգելված բոլոր ձևերն էլ ընդունելի են:

Աղբյուրը՝  
<http://www.panorama.am/am/analytics/2013/10/11/maruy-an-about-bill>


**Նախորդ նորությունը:** ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆԸ ԶՊԵՏՔ Է ՄԻՋԱՄՏԻ ՓԱՍՏԱԲԱՆՆԵՐԻ ԱՆԿԱԽ ԳՈՐԾՈՒՆԵՈՒԹՅԱՆԸ. ՕՄԲՈՒԴՄԱՆԵՆ

**Հաջորդ նորությունը:** ԼՈՌՈՒ ՄԱՐԶԻ ՓԱՍՏԱԲԱՆՆԵՐԸ` ԸՆԴԴԵՄ «ՏՈՏԱԼԻՏԱՐ» ՓՈՓՈԽՈՒԹՅՈՒՆՆԵՐԻ


## Առաջարկվող նորություններ




**24.10.2013** «ՄԱՐԴՈՒ ԻՐԱՎՈՒՆՔՆԵՐԻ, ՔԱՂԱՔԱԿԱՆՈՒԹՅԱՆ ԵՎ ՀՈՒՄԱՆԻՏԱՐ ՊՐՈԲԼԵՄՆԵՐԻ ՄԻՋԱԶԳԱՅԻՆ ԱՍՈՑԻԱՑԻԱ» ՄՈԿԿ ՆԱԽԱԳԱՀ Է.ՄԱՆԵՎԻԴԻՍԻ ԳՐՈՒԹՅՈՒՆ ՈՒՂՂՎԱԾ ՀՀ ՎԱՐՉԱՊԵՏ Տ.ՍԱՐԳՍՅԱՆԻՆ



**24.10.2013** ՓԱՍՏԱԲԱՆՆԵՐԻՑ ԽԼՈՒՄ ԵՆ 82 ՄԻԼԻՈՆ



**24.10.2013** ԸՆԴԴԵՄ ՓԱՍՏԱԲԱՆՆԵՐԻ ՀԱՇՎԱՌՄԱՆ ՏԱՐԵԿԱՆ ՏՈՒՐՔԻ



**16.10.2013** ՀԱՆԴԻՊՈՒՄ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ ՀԵՏ

```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```